



PREZIDÉNSIA KONSELLU MINISTRUS

VI GOVERNUN KONSTITUSIONÁL

DÍLI, LORON 31 FULAN-MAIU TINAN 2016

KOMUNIKADU IMPRENSA

Sorumutuk Konsellu Ministrus nian iha loron 31 fulan-maiu tinan 2016

Konsellu Ministrus hala'o sorumutuk loron-terça ne'e, iha Palásiu Governu, iha Dili, no aprova ona:

1. Rezolusaun Governu nian kona-ba farda Funsau Públika nian

Deside hili a farda ida Funsau Públika nian, hodi uza iha loron nasional no serimónia ofisial sira, ninia objetivu mak atu dignifika serbisu Administrasaun nian, hatudu espíritu nasionalizmu nian ida ne'ebé boot no kontribui ba dezvoltamentu espíritu korpu nian entre ninia traballadór sira. Rezolusaun ne'e iha intensaun mós atu prezerva no habelar patrimóniu istóriu-kultural husi padraun sira Tais nian (hena tradisionál timór nian), ne'ebé daudaun ne'e tama ona iha modelu foun sira.

Modelu sira farda nian ne'ebé apresenta ona, ekipa téknika ida maka halo estudu no aprova. Ekipa ne'e kompostu husi Diretór-Jerál sira, Diretór Nasionál sira, Xefe Departamentu sira husi instituisaun lima - Komisaun Funsau Públika, Ministériu Turizmu, Arte no Kultura no Sekretaria Estadu ba Apoiu no Promosaun Sósio-Ekonómika Feto nian, Sekretaria Estadu ba Juventude no Desportu no mós Sekretaria Estadu Arte no Kultura.

2. Alterasaun daruak ba Dekretu-Lei n. 27/2008 kona-ba Rejime Jerál husi Karreira sira Administrasaun Públika nian

Diploma ne'e halo adaptasaun filafali ba saláriu sira husi traballadór sira husi Karreira Rejime Jerál Funsau Públika nian, ne'ebé la halo atualizasaun durante tinan 7 liu ona.

Aliñamentu filafali ba Karreira Rejime Jerál nian ne'e ninia objetivu mak atu evita iha rejime espesial karreira bara-barak ne'ebé la prezisa, tanba bele estraga harmonia husi sistema Funsau Públika nian.

Reforma Administrasaun Públika ne'ebé determina hosi Programa Governu ninia objetivu ida entre objetivu sira seluk maka, hasa'e profissionalizmu no produtividade Funsau Públika nian. Produsaun lejislasaun foun, ne'ebé hahú ho alterasaun ba Rejime Jerál Karreira sira nian, konsidera mós aprovasaun ba kontribuisaun ba rejime pensaun sira no reforma nian.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608

Númeru kargu diresaun no xefia ne'ebé aumenta iha administrasaun Públika ezije mós kriasaun rejime foun ida ba komisaun servisu nian sira, ne'ebé tama iha rejime rasik ida, tamba ne'e revoga dispozisaun sira uluk ne'ebé trata kona-ba diresaun no xefia sira.

3. Dekretu-Lei kona-ba Rejime Kargu Diresaun no Xefia nian iha Administrasaun Públika

Administrasaun Públika Timor-Leste, tanba ninia dimensaun no kompleksidade, ezije kriasaun regra rasik sira ba exersísiu kargu sira diresaun no xefia nian. Kargu sira iha komisaun servisu nian, to'o oras ne'e , regula iha âmbito Karreira Rejime Jerál nian. Daudaun ne'e deside ona, atu fahe rejime sira, atu estabelese rekizitu espeisial balun ba ezersísiu lideransa nian.

Diploma ida ne'e kria kuadru kona-ba kompeténsia pesoál nian hirak ne'ebé mak ezije ba kandidatu sira ba kargu diresaun no xefia nian. Regulamenta mós kondisaun sira ba hafoun no hapara komisaun servisu nian sira, hodi asegura kondisaun sira serbisu nian ne'ebé di'ak liu ba funcionáriu sira.

Konsellu Ministrus mós analiza ona:

1. Rejime Kareira Profisionál ba Seniór sira iha Administrasaun Públika

Komisaun Funsun Públika propoin introdusaun karreira spesífika ida ba profisionál seniór sira [husi topu], ne'ebé, haree husi kualifikasaun no esperiénsia ne'ebé sira iha, bele tama ba-iha kuadru rasik ida.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608